

中国边疆研究资料文库·边疆史地文献初编

東北邊疆

第二輯

中国边疆研究资料文库·边疆史地文献初编

東北邊疆

第二輯

呼蘭府志

祠祀略

崇仁黃維翰申甫編

職方氏曰古者神道設教祀事孔明凡有維繫世道人心與夫禦災捍患利賴民生者載在祀典官吏春秋享祀之不忒其他如歲時伏臘祈年報賽傲福禳禍之舉亦先民所不廢呼蘭民俗質樸服教畏神間有軼於祀典之外者要皆有所沿習是亦輶軒採風者之一助不可以不記也作詞祀略首大祀次中祀羣祀次之雜祀又次之

一大祀

上帝大祀也祀天祈穀歷代皆皇帝主之巴彥州有玉皇閣俗

謂即上帝殿在駱駝碛子屯木蘭縣亦有之在玉皇閣山

先師孔子舊爲中祀清光緒三十三年升爲大祀歲以春秋仲月上丁致祭府州縣長官主之佐貳分獻監禮以師儒贊引執事以生員

文廟府屬惟巴彥州有之在州城內同治五年建十年落成大成殿兩廡泮池咸具正殿配祀四配十二哲兩廡祀先賢先儒皆如定制建築費取之餉捐

董其事者貢生王景文州民張柏州干迺瀕于文波

呼蘭蘭西木蘭春秋舉行釋菜禮均在高等小學

二中祀

日月五星之神中祀也歲以春分日卯時祭日以秋分日酉酉

時祭月祭月以北斗七星金木水火土五星二十八宿周天星辰配舊制惟皇帝致祭或遣官行禮郡人專祀日名曰太陽廟廟俱在鄉間鄉民自祭之

呼蘭太陽廟在河西太陽廟屯光緒十六年屯民劉青雲及姜道士募貲修建正殿一楹配房兩楹廟基東西寬九丈南北長十二丈祭地一畝五畝

巴彥州太陽廟在東拉三太陽廟溝

蘭西縣太陽廟在北鄉二龍山屯正殿平房三楹祭地二十五畝

關帝舊爲羣祀咸豐二年升爲中祀歲以春秋仲月及五月初

有三日致祭前殿地方長官主之後殿丞史主之帝之忠義深入人心而捍災救患往往有奇驗故民間多立廟私祀之歲時伏臘祈福禳災奔走道路相屬

呼蘭府關帝廟在城內者一在四鄉者十四

府城關帝廟乾隆十五年四月建於東南河沿

在南倉南

嗣爲河水

衝圯道光五年丙戌改建于大街東胡同正殿五楹享殿三楹東西配房各三楹二門一座山門馬殿三楹鍾鼓樓二座西院正房三楹光緒二十一年添建二門牌樓一座前院東西配房各三楹西院禪房數楹將軍爲請於朝宣宗成皇帝賜書神功普佑牌額一方副都統倭克津泰訓導許元各爲之記詳藝文

志光緒三十三年正殿享殿均燬于火三十四年商修會暨郡紳李廣聞募貲修復如舊制廟基東西寬三十五丈南北長四十八丈碑二座鐘一具乾隆十七年鑄鐵香爐一座石獅一對廟產草正房九間廂房三間

大荒台關廟光緒十六年屯民田允貞田允武建正殿三楹西廂三楹廟基東西寬九丈南北十二丈

沈家窩堡關廟光緒十六年屯民霍玉珍建正殿三楹東西配房各三楹廟基東西寬二十丈南北長一百丈祭地五晌

陳家井關廟同治年間屯民郝倫秀建光緒三十三年屯民汪德棧張國銀重修正殿三楹草房三楹祭地五晌

蒙古國關廟屯民段魁五克精阿建正殿三楹光緒十三年屯民加修前殿一楹廊房三楹三十三年道侶寧永祥募修後殿五楹祭地八晌

靠山屯關廟同治二年屯民張富喜康文發建正房二楹光緒十五年王金榮重修祭地一晌何明遠施

腰窩堡關廟同治元年屯民白富蘇俊建正殿一楹草房三楹光緒三十年蘇興白富重修之祭地五畝廟內有寄桑園古鐘一口乾隆二年鑄

高家屯關廟屯民馮進寶劉志和建正殿三楹馬殿三楹草房三楹名之曰青雲觀光緒十二年郭鳳起馮德貴重修之祭地

三响

雙榆樹關廟光緒元年屯民劉克敬王奎集貲修建二十七年
王振富馬明川重修之正殿瓦房三進共九楹東西配房各三
楹廟基東西寬十二丈南北長十八丈祭地七响

五合站關廟光緒十六年商務會集貲修建正殿五楹馬殿三
楹東西配房各三楹廟基東西寬五十五丈南北長一百丈廟
地歸勸學所經理

長發屯關廟光緒十六年屯民王鳳賓賀永江集貲修建正殿
三楹馬殿一楹兩廊草房六楹廟基東西寬九丈南北長十三
丈祭地十九响五畝

薄荷台關廟光緒二十九年屯紳李樂山建正殿三楹西廊三楹山門一座廟基東西寬八丈南北長十二丈

長嶺子關廟草房二楹祭地二晌

城子溝關廟正殿三楹馬殿三楹配房三楹祭地六晌八畝

石人城子關廟正殿三楹草廊房八楹祭地五晌

巴彥州關帝廟在城者二在四鄉者九

東廟在東牌樓路南正殿二重六楹兩廊各一楹祭地九晌

西廟在城內西牌樓路南廟宇祭地同上

南下坎關廟五楹祭地四晌

老爺嶺關廟五楹祭地四晌

四間廟關廟五楹祭地四晌

大泉眼屯關廟五楹祭地五晌

高家店關廟五楹祭地六晌

西拉三太牌關廟五楹祭地七晌

興隆鎮關廟五楹祭地七晌

西集廠關廟五楹祭地七晌

蘭西縣關帝廟在城內者一在四鄉者四

縣關帝廟在中街路北地同治六年道士毛機雲建草廟一楹
光緒十九年鎮邊軍二起馬隊營帶侍衛永山駐兵廟西隅倡
率商民改建前殿三楹馬殿三楹東西配房各三楹齋舍三間

二十三年駐防馬隊營帶全德捐修柵欄門一道木獅一對三十二年道士高廣和增修鐘樓一座住持王宗純邵宗量又購置市房二十間地三晌五畝爲歲祀歲修之費

庫倉溝關廟三楹祭地十一晌

大德泉屯關廟三楹

文昌帝君舊爲羣祀咸豐六年升入中祀歲以二月三日及春秋仲月諏吉致祭地方長官主之在城文武官咸與祭

呼蘭府文昌閣在龍王廟東院道光初年建

先農中祀也歲以仲春吉亥致祭府州縣長官主之在城文武官咸與祭禮成舉行耕耤禮

呼蘭府先農壇在城東南隅乾隆元年建初爲草房土壁光緒十年重修始覆瓦砌磚祭地三畝南北長一百五十四弓南端東西寬八十弓中寬一百九弓北端東西寬七十二弓面積四百一十六弓

松花江之神中祀也向由吉林省遣官致祭

三羣祀

城隍羣祀也歲以春秋仲月諏吉致祭地方長官主之在城文武官咸與祭

呼蘭府城隍廟在大街南頭西胡同舊城守尉府址也宣統元年四月郡紳李廣聞暨商務會募貲修建正殿後殿各三楹東

院正房三間廟基面積十方丈

巴彥州城隍廟在城北朝陽街路北正殿三重九楹配房各二楹祭地十晌

土地之神即后土羣祀也遇有與作隨其營造所在設神位致祭土地廟各村屯俱有之茲錄其廟宇寬大及有祭地者

呼蘭土地祠二一在城內初附于龍王廟宣統元年改建于城隍廟西南隅廟宇一楹一在河西區五站光緒三十一年站官楊亢募貲修建正殿一楹西配房二楹廟基寬廣各八丈

巴彥州土地廟五一附設城隍廟內一在南下坎屯廟三楹祭地五晌一在程保屯廟三楹祭地六晌一在南甘沐林牌正殿

三楹配房二楹祭地四晌一在大荒溝牌廟三楹祭地三晌
龍神羣祀也春秋致祭地方長官主之

呼龍王廟在大街南頭東胡同乾隆十七年官莊丁同修五
十五年屯官卓力善率官莊丁重修之正殿三楹享殿三楹兩
廊各三楹更房一間西院草房三間光緒二十九年商會增高
南面磚牆並建山門三楹三十四年住持僧復增蓋西院瓦房
三間廟基東西寬四十丈南北長五十丈廟有碑道光五年立
巴彥州龍王廟二一在城內中興街路北正殿三楹配房兩楹
祭地五晌一在南下坎屯正殿三楹配房兩楹祭地四晌
昭忠祠羣祀也歲以春秋仲月致祭地方長官主之忠裔咸與

祭

呼蘭昭忠祠祀本籍文武官及兵丁之殉難陣亡者今燬

火神羣祀也

呼蘭火神廟附于觀音廟內殿宇一間

呂祖羣祀也祀唐進士呂岩俗稱呂祖亦曰祖師

呼蘭呂祖廟在大街北頭東胡同光緒十八年三月建正殿三楹上有樓寬與殿等可以望遠東西草房各三間四週土牆廟基東西寬二十丈南北長十九丈

觀音大士俗所稱菩薩也列羣祀之一

呼蘭觀音廟四一在城內乾隆初年建于府城東南河沿

南倉之南

廟爲河水冲圯道光朝改建於大街東胡同關帝廟之西正殿
五楹享殿五楹東西配房各三楹鍾鼓樓各一西院瓦房草房
八間廟基東西寬七十五丈一在河東一區大堡屯同治元年
屯民張純金有貴修建正殿草屋三楹光緒十年金亮張萬昌
重修之祭地八晌廟外東南隅榆樹上古鐘一具乾隆七年鑄
一在城子溝屯廟三楹附關廟內一在石人城子屯廟三楹亦
附關廟

巴彥州觀音廟三一在州城內牛馬行街路北正殿三楹配房
二楹祭地五晌一在天增泉屯一在前古子山屯

蘭西縣觀音廟二一在轉心湖屯草房三楹祭地三晌二畝一